

مجموعۃ ابو الخضر

ماسوا شائبہ سندن دلی تطہیرہ چالش
بر تو حکمت و عرفان الہ شویہ آتش

ہر ماہ عربی ابتدا سیلہ اون بشتہ نشر اول نور فنون مجوعدہ سیدر .

جزو ۳۵ [فی غرہ جمادی الآخرہ سنہ ۱۳۰۰] نسخہ سی ۳۳ فروش

امور معتاده دن عد اولنان بر مجلسه اعظم اسلامك دكل ذات والای
ادیبانه لریك دخی دخولی وهیج اولمزسه اویولده سویلنیلان سوزلك
قبولی قطعياً جائز اولماق لازم كالیر اعتقادنده مصر بولندیغمی
عرض ایدرم .

اولکی عریضه كترانه مده دخی بالمناصبه برقایج دفعه بیانه جسارت
ایتمش ایدم كه انتخاب ومحاكمه پك لابالی بر مشرب اختیار اولمش .
حتی بنه عزت ملادن انتخاب اولنان

« عتقا اول ایستر ایسهك اكر زاغ لاشه اول

یكساندر ارتكاب ایله عفت زمانه ده »

یشتنه باقیلیر سه اولا ابالیلك بیاغی خراباتلك درجه سنه چیقدیغنی ادعا
ایده بیله جكم : « عتقا اول ایستر ایسهك اكر زاغ لاشه اول »
مصر اعی نه صورته - مزیتی حقیقت میلندن عبارت اولان - شعر
داره سنه داخل اوله بیلیر ؟ یعنی ادبا صفتنی حائز اولان ضیابك افندی
بومصر اعی نه مطالعه ایله قبول ایدیور ؟
[مابعدی كله چك جروده]

آقاده می [انجمن دانش]

[وولتره لغت فلسفه سندن مستخرجدر]

سن صباوته نسبة سن كال، علم صرفه نسبة معانی و بیان، و
زاهتك ایلك درس لرینه نسبة ظرافت نه ایسه مكاتب عالییه
نسبة انجمن دانش دخی اودر . ایشته ابتالیا انجمن دانشی بویه ایدی؛
فرانسه انجمن دانشیله لوندرك جمعیت حكمداریسی دخی الآن
بویه در .

کندی کندینه تشکل ایتمش اولان فرانسه انجمن دانشی آنجق
اون اوچنجی لوئیدن امتیاز براتلیرینه نابل اولدیسده دولت ویا
صاحب دولت طرفندن برکونه تخصیصات و عطیه به مظهر اولمدیغندن
استقلالنی تمامیه محافظه به موفق اولمش ایدی . بو استقلال ایدی که
رجال دولتنن بک بؤک ذواتده وریعان شبابه واصل اولمش اصلزا -
دکانده بیله آقاده می به داخل اوله بئیک هوس و آرزوسنی تولید ایتمش
ایدی . لوندره جمعیت علمیه سی دخی عینله بو محاسنی حائز ایدی .

مشهور قولبر فرانسه انجمن دانشی اعضاسنندن بولندیغی
جهتله اوزمان رفقاسنی ابنیه عمومیه اوزرینه تاریخله یازمغه تشویق
ایلر ایدی . بناء علیه بو کوچوک جمعیت بک آز زمان ظرفنده مستقل
و منظم بر انجمن هیئته کوردی که مؤخرأ راسین و بووالو مثلاً
شعرا ی بنام اوج جمعیت فاضله نیک اعضای بنامندن اولمشلرایدی . حاصلی
ابنیه به تاریخ یازان او برفاچ کشی بو کونکی کونده انجمن ادبیات ناهنی
آلان جمعیت فضل و عرفانه وضع بنیان ایتمش اولدیلر . ایشته اصل
جمعیت دانش ۱۶۶۶ سنه سننده وجوده کلدی ایسه ده انجمن ادبیات
۳۳ سنه مقدم تأسس ایتمشدر دنيله بیلیر .

بو انجمنلرک ایکسیده اون دردنجی لوئینک باش وکیلی بولسان
ذاتک سایه همت و عنایتنده کسب رونق ایتمشدر .

زان بایست قولبر ایله مارکی دو لوووا وفات ایدوبده خارجیه
ناظری قونت دو بوتشتارن پارس والیسی اولندیغی زمان یکی
انجمنلرک اداره سنی برادر زاده می بنیون نام ذاته احاله ایلمش ایدی .
بؤک اوزرینه مومی الیه بنیون (آقاده می فرانسه ز) نامی آلتنده
بولسان انجمن دانش کیر مستننا اولق اوزره سائر انجمنلرده برطاقم
فخری اعضاقلر و اعضا ملازمکلری احداث ایلدیکی کبی بووسیله

ایله مذکور انجمنلره طرف دولشدن برطاقم معاش دخی تخصیص
ایتدیرمشد.

کندیسی آقادهمی فرانسه‌لک دخی اعضاسندن بولمئسندن برکون
آقادهمیده سائر انجمنلرده اجرا ایلدیکی اصلاحاتی اوراده دخی موقع
افعل و اجرایه قومی تکلیف ایلدکده عموماً رفقاسی طرفسندن مومی
ایله حقنده ابراز نفرت اولمئشدر.

بونک اوزرینه پنیون فیما بعد آقادهمی به آفاق باصمدی . و سائر
انجمنلرک مذاکراتک خلاصه‌لرینی نشر اتمکله مشغول اولدی که
کندیسی راهب و علوم و معارفدن کلیاً بی نصیب اولدیغی حالده
بو طریقله هر کسی اعلم علمادن بولندیغنه قانع ایتمئدی .

فرانسز انجمنلرنده نطقلرک و مذاکراتک خلاصه نشری عادت
ایوم مرعی الاجرا دکلمه ده راهب مومی الهک بقیه سیئاتندن اوله رق
بالکز حکومتک تأثیر نفوذی دوام اتمکده بولمئشدر .

§

معلومشد که آقادهمی لفظی یونان لسانندن مأخوذ برکله در .
وقبله آینه‌ده [آفادیوس] نامنده برذاتک تحت تملکنده بولسان بر
بر باغچه ده تعلیم فلسفیات ایدلمسی اعتباریله مؤخرأ بوقوله تأسیسات
علیمییه علم اولمئشدر .

ادیاتک دور تجدیدن صکره بومثالو جمعیتلری ابتدا ایتالایلر
تشکیل ایتدیلر . [*]

[*] کرک آقادهمی لفظی اوزرینه و کرک بومثالو تأسیسات علییه ده دایر
۱۷ نومرونی بجموعه ده معلومات مکمل اعطا ایدلمشدر . و ولترک بیان ایتدیکی دور
جدید ادبیات متفرض اولان یونان و لاتین ادبیاتندن صکره ظهور ایدن فرانسز
و ایتالیان و آلمان ادبیاتیدر . بوقسه علمای اسلام طرفندن تأسیس اولنان جمعیات
علوم و دانشک تاریخ ایجادی ایتالیا جمعیت علومندن بشیوزسه مقدمدر . للطابع

ایتالیاده کی قدوسقا انجمن دانشی اون آلتجی عصرده تشکل
ایتمشدر . آندن صکره ایتالیاده مکاتب عالییه مالک اولان هر شهر
وقصبهده بومثللو انجمنلر تأسیس ایدلمشدر .

بوعنوان بروقت فرانسهده اورتبه کثیر الاستعمال ایدی که
حتی (قاربازلر آقاده میسی) نامی آلتنده قار جمعیتلری بولنیور ایدی .
آقاده میسیئن نامی بالکز آقاده می فرانسه یعنی انجمن علوم
وتاریخ اعضاسنه وبریلر ایدی .

آقاده می فرانسهز فرانسهز لساننه پک بولک خدمتلرده بولتمشدر ؛
انجمن علوم ایسه کافه علوم وفنونه دار اجرای مذاکرات ایدر
وصکره نتیجه مذاکراتنی و کشفیات واختراعاته متعلق معلوماتنی
نشر وتعمیم ایلر .

تاریخ محررلرینک جمعیتی دخی آثار عتیقه تحری وتدقیقه
مشغول اولور . اشبو انجمن برقاج سنه دن بری پک چوق معلومات
نافعه نشر اتمشدر . (*)

بو انجمنک اربابی طبع ونشر ایلدکلری اثرلرده یکندیکرلرینه
قارشى درجه نهاییده ابراز نزاهت وبربرلی علیهنه تعیرات سقیمه
استعمالندن محابیت ایتمکی شعار ایدمشمشدر . بوسبيله اوچیده انظار
عامهده پک بولک شرف وحرمت احراز اتمشدر .

یالکز ارباب جمعیتدن فوشه اسمنده برراهب (زور آستر)
ناميله یازدیغی اثرده بردفعه آقاده می فرانسهز علیهنه تعیرات ناسزا
استعمال ایلش ایسهده بوحرکتی اعضاسندن بولندیغی آثار عتیقه

(*) انجمن مذکور الیوم جهانک هرطرفنه ارباب دانش وتحقیقندن
مأمورلر سوقیه بوسورتله استحصال ایلدیکی معلوماتدن عالم مدنیتی حصه مند
ایتمکدهدر .

انجمنی طرفین نظر تصحیح ایله **کوروولکله** مقصودی آفاده‌ی بی
جهالتله شهر ایکن خلاف مأمول کنیدیسی تربیه سزلیکله یاد ایتدیرمکه
سبب اولمشدر .

لوندیه جمعیت علمی هیچ بروقت آفاده‌ی نامی آلمامشدر .
ایلاتده بولنان انجمن دانشلر اهاالینک بعض عقائد باطله‌سنی تصحیح
و ازاله و ارباب شبانی کتب نافعده مضالعه‌سنه تشویق و اماله ایله
اغصان جهالتی قلوب ملتدن استیصباله خدمت ایتمشدر .

آفاده‌ی فرانسه‌ز علیهنده اوله‌رق تأسیسندن بری بعض لطائف
مستفنا اولمق اوزره جدی هیچ بر تعریضنامه یازلمامشدر .

سن - ایده‌موند نام ذاتک « انجمن دانش اربابی » عنوانیه
نشر ایتدیکی قومدیا وقتنده بک بیوک شهرت قزاقش ایشده بو کونکی
کونده کیمسه‌نک خاطرنده بیله قالمشدر .

حال بوکه بو والونک هجویات لطیفه‌سی الان ایادی اعتبار
والسنه صغار و کبارده متداول و دائردر . (انتهی)

آلمانیاده بیوک فره‌دریقک (سرقل لیتره‌ر) اسمنده کشاد
ایلدیکی « دائرة ادبیسه » مستفنا اولمق اوزره هیچ بروقت انجمن
دانش تأسیس ایدلمامشدر .

فره‌دریق ایشه مخاضرات و ادبیات ایله اشتغالی کنیدیسی ایچون
هردرلو لذاتک فوقنده طوتمسندن سراینده بر دائرة مخصوصه
تظمیمله اوروبانک اکثر بلادنده اشتهار آرای فضل و عرفان اولان
ارباب ادب و حکمتی اوراده جمع ایش ایدی . فقط بوجعیت فلسفه
و اخلاق و ادبیاته متعلق مباحث ایله اشتغال ایدردی . باخصوص

فره‌دریق فرانسز لسانندن مثلث و آلمانجه‌دن متفر اولمستندن دائرة
ادبیه‌سنده فرانسز لسانندن بشقه لسان جریان ایتمز ایدی . بوسبیله
فره‌دریقک بوجعیتنه فرانسز انجمن دانشنک بر شعبه ادبیه‌سی اطلاق
اولسه بمجادر .

آلمانیاده هر صنف اهالی‌نک اونه‌دن بری کندیلرینه مخصوص
قلوب یعنی (انجمن شبانه) لری اولدیغی کبی ادبا و علمانک دخی متعدد
دارالمسامره‌لری واردر . بناء علیه بودرلو بمجمعه‌لره مالک اولان بر
مملکتده ساعات اجتماعلرینک نصفتدن زیاده‌سی بر طاقم رسوم و تشریفات
زائده ایله هدر اولان آفاده‌می کبی رسمی بر جمعه هیچده لزوم اولدیغی
محتاج بحث و ایضاح دکدر .

براز زماندن بریدر بزده‌ده بر انجمن دانش فکری ایشیدلمکه
باشلامشدر نه کیم بوندن یکریمی بش اوتوز سنه اولی بونام آلتنده
بر دائرة رسمیه دخی تشکل ایتش ایدی . فقط دنیانک هر نره‌سنده
اولورسه اولسون بومثالو جمعیتلری ترکیب ایده‌جک ذوانک فضائل
مکتبه اربابندن اولمقلغی لابد اوله‌رق یوقسه مناصب دیوانیه اربابی
کبی انجمن دانش اعضاسنک دخی طرف دولتدن تعینی حالنده اوجعیتک
وجودندن مطلوب اولان ثمره معرفتک اقتطافی شویله طورسون
جمعیتک بقایا بیله مبسر اوله‌میده‌جغی بالتجربه ثابت اولمشدر .

بویاده‌کی فکر مخصوصمه کلنجه بر انجمن دانشدن نه علما
ونه‌ده ادبا هیچ فائده کوریلهمز . مثلاً بر لسان انجمنی بر لغت کتابی
رتبینه قالشدیغی صره‌ده (بلع) کلمه‌سنی داخل کتاب ایدوبده
(ازدرام) لفظنی رد ایتسه عموماً اصحاب قلمک بویاده ارباب انجمنه
اتباع ایتسه فیصل تصور ایدیله بیلیر ؟ لسانه قاعده‌نی انجمنلر دکل
هردرلو انجمنلردن خارج یشایان ارباب لسان تعیین ایدر .